



KEMENTERIAN PENGANGKUTAN
MALAYSIA

SIARAN MEDIA KEMENTERIAN PENGANGKUTAN MALAYSIA

PEMAKLUMAN MENGENAI PERINTAH KAWALAN PERGERAKAN DIPERKETATKAN DI SELANGOR DAN KUALA LUMPUR

Berdasarkan penilaian risiko oleh Kementerian Kesihatan Malaysia (KKM), Majlis Keselamatan Negara (MKN) telah memutuskan untuk melaksanakan Perintah Kawalan Pergerakan Diperketatkan (PKPD) di mukim-mukim di Selangor dan beberapa lokaliti di WP Kuala Lumpur bermula 3 Julai 2021 sehingga 16 Julai 2021 susulan penularan pandemik COVID-19 yang terus meningkat.

Berikutan keputusan ini, Kementerian Pengangkutan Malaysia (MOT) telah mengemaskini garis panduan kepada agensi-agensi di bawah MOT seperti berikut:

PERKHIDMATAN KAUNTER JPJ, APAD, PUSPAKOM DAN JLM

- Dalam Siaran Media bertarikh 30 Jun, MOT telah mengumumkan pembukaan semula perkhidmatan kaunter semasa Fasa Pertama PKP di bawah Pelan Pemulihan Negara (PPN) untuk transaksi / perkhidmatan yang tidak dapat dilaksanakan secara dalam talian.
- Walau bagaimanapun, dalam tempoh PKPD di Selangor dan Kuala Lumpur, semua perkhidmatan kaunter yang dikendalikan oleh agensi di atas akan ditutup kecuali kawasan di Kuala Lumpur yang berada di luar zon PKPD. Orang ramai digalakkan merujuk laman rasmi media sosial atau laman sesawang agensi-agensi yang berkaitan untuk keterangan lebih lanjut.

SURAT KELULUSAN PERJALANAN DARI SMILE

- Surat pengesahan pengoperasian melalui Sistem Maklumat Industri Logistik (SMILE) MOT masih tergunapakai sepanjang tempoh ini. Pemohon tidak perlu memuat turun surat baharu jika memiliki surat pengesahan sebelumnya.





KEMENTERIAN PENGANGKUTAN
MALAYSIA

KENDERAAN PERSENDIRIAN

- Hanya satu (1) orang dari setiap isi rumah dibenarkan menggunakan kenderaan mereka sendiri (tanpa mengira kapasiti tempat duduk) untuk mendapatkan barangan keperluan dalam lingkungan 10 kilometer dari tempat tinggal mereka. Kebenaran polis diperlukan (mengikut kes / situasi) untuk penambahan penumpang bagi tujuan yang dibenarkan.
- Pergerakan merentas daerah dan negeri bagi tujuan vaksinasi COVID-19 di Pusat Pemberian Vaksin (PPV) dibenarkan dengan menunjukkan butiran janji temu di aplikasi MySejahtera, laman sesawang atau SMS sebagai bukti. Maksimum tiga (3) orang sahaja termasuk pemandu dibenarkan keluar untuk mendapatkan penjagaan kesihatan, perubatan atau bagi tujuan vaksinasi.

PERKHIDMATAN TEKSI DAN E-HAILING

- Hanya dua (2) orang termasuk pemandu dibenarkan menaiki teksi atau kenderaan e-hailing.

PENGANGKUTAN AWAM DAN INDUSTRI LOGISTIK

- Perkhidmatan kereta api, KTM Komuter, LRT, MRT, ERL, Monorel, bas dan feri dibenarkan beroperasi dengan kapasiti penumpang 50%.
- Lapangan terbang dan pelabuhan boleh terus beroperasi seperti biasa. Pengangkutan perdagangan melalui darat, udara dan laut adalah perkhidmatan perlu yang dibenarkan beroperasi semasa PKPD termasuk perkhidmatan penghantaran makanan, minuman dan bungkusan (parcel) atau apa-apa aktiviti yang menjadi rantai kepada mana-mana perkhidmatan perlu.
- Perkhidmatan pelabuhan dan perusahaan yang berkaitan termasuk limbungan kapal, pengangkutan laiter, pengendalian kargo dan pemukalan komoditi, pemaliman serta pemunggahan (loading dan unloading) di pelabuhan adalah dibenarkan. Aktiviti loading dan unloading di luar kawasan pelabuhan semasa PKPD hanya dibenarkan untuk perkhidmatan perlu yang diluluskan.





KEMENTERIAN PENGANGKUTAN
MALAYSIA

- Jumlah penumpang yang dibenarkan menggunakan kenderaan komersial dan logistik adalah tertakluk pada pendaftaran kenderaan masing-masing.

PEMATUHAN SOP PENCEGAHAN COVID-19

MOT sekali lagi menasihati semua pihak supaya sentiasa mematuhi prosedur operasi standard (SOP) yang ditetapkan di pejabat/kaunter, stesen dan terminal termasuk memakai pelitup separuh muka, menggunakan cecair pembasmi kuman, mengamalkan penjarakan sosial sekurang-kurangnya satu (1) meter selagi boleh dan mengimbas kod QR MySejahtera.

KEMENTERIAN PENGANGKUTAN MALAYSIA
2 JULAI 2021

-TAMAT-

Tentang MOT:

Kementerian Pengangkutan Malaysia bertekad untuk menjadi peneraju transformasi sistem pengangkutan yang bersepadu, efisien dan selamat dengan memperkasakan sistem pengangkutan berteraskan teknologi sebagai pemangkin pembangunan negara.

Pertanyaan Media Kementerian Pengangkutan Malaysia

Hotline 1-800-88-7723
Faks +603 8892 0208
E-mel aduan@mot.gov.my

